

大乘起信論略釋 科判

馬鳴菩薩 造 梁西印度三藏法師真谛 翻譯 太虛大師 講記

釋道淨 整理 20240730 5 稿 微信 qq 973451196 校對 慈信 禁止商用篡改 法律責任必究

表 0: (表) 總表

(依《太虛大師全集》電子版校對)

科判			論文							
懸論分四	一、出論總義分三		甲 示論體		乙 明論相		丙 顯論用			
	二、判論部位分四		甲 藏		乙 乘		丙 時	丁 教		
	三、傳論師承			四、釋論題目						
釋論分三	甲一、敘敬述意		皈命盡十方，最勝業遍知，色無礙自在，救世大悲者；及彼身體相，法性真如海，無量功德藏；如實修行等。為欲令眾生，除疑舍邪執；起大乘正信，佛種不斷故！							
	乙一、總列		有法能起摩訶衍信根，是故應說。說有五分，云何為五？一者、因緣分，二者、立義分，三者、解釋分，四者、修行信心分，五者、勸修利益分。							
	甲二、標宗顯益分二	乙二、別說分五	丙一、因緣分分二	丁一、顯造此論總別相安立之緣由	初說因緣分。問曰：有何因緣而造此論？答曰：是因緣有八種。云何為八？一者、因緣總相，所謂為令眾生離一切苦、得究竟樂，非求世間名利恭敬故。			二者、為欲解釋如來根本之義，令諸眾生正解不謬故。		
					三者、為令善根成熟眾生，於摩訶衍法堪任不退信故。			四者、為令善根微少眾生，修習信心故。		
		五者、為示方便，銷惡業障，善護其心，遠離痴慢出邪網故。			六者、為示修習止觀，對治凡夫、二乘心過故。					
		七者、為示專念方便，生於佛前，必定不退信故。			八者、為示利益，勸修行故。有如是等因緣，所以造論。					
		丁二、顯造此論能所詮略攝之緣由	問曰：修多羅中具有此法，何須重說？			答曰：修多羅中、雖有此法，以眾生根行不等，受解緣別：所謂如來在世，眾生利根，能說之人色心業勝，圓音一演，異類等解，則不須論。若如來滅後，或有眾生能以自力廣聞而取解者；或有眾生亦以自力少聞而多解者；或有眾生無自智力、因於廣論而得解者；亦有眾生復以廣論文多為煩，心樂總持少文而攝多義能取解者。如是、此論為欲總攝如來廣大深法無邊義故，應說此論。				
			已說因緣分，次說立義分。摩訶衍者，總說有二種。云何為二？一者、法，二者、義。所言法者：謂眾生心。是心則攝一切世間出世間法；依於此心，顯示摩訶衍義。何以故？是心真如相，即示摩訶衍體故；是心生滅因緣相，能示摩訶衍自體相用故。所言義者：則有三種。云何為三？一者、體大，謂一切法真如平等不增減故。二者、相大，謂如來藏具足無量性功德故。三者、用大，能生一切世間出世間善因果故，一切諸佛本所乘故，一切菩薩皆乘此法到如來地故。							
		丙三、解釋分分二	丁一、總列		已說立義分，次說解釋分。解釋分有三種，云何為三？一者、顯示正義，二者、對治邪執，三者、分別發趣道相。					
			丁二、分解分二	戊一、解釋大乘心性分二（表 1）（7 表）			己一、顯示正義分二			
				戊二、解釋大乘因果分二（表 2）（3 表）			己二、對治邪執分三			
							己一、標果建因			
	丙四、修行信心分分三（表 3）（3 表）			丁一、標人立法		己二、從因顯果分二				
丙五、修行信心分（表 4）			丁三、方便攝護		己二、從理起行分二					
甲三、圓滿迴向		諸佛甚深廣大義，我已隨順總持說：回此功德如法性。普利一切眾生界！								

表 1-1：（7 表） 戊一、解釋大乘心性分二

科判			論文			
戊一、解釋大乘心性分二	己一、顯示正義分二	庚一、示二門一心依		<p>显示正义者：依一心法有二种门。云何为二？ 一者、心真如門，二者、心生滅門。 是二種門，皆各總攝一切法。此義云何？以是二門不相離故。</p>		
		辛一、心真如門示大乘體分二	壬一、離言直示心真如	<p>心真如者，即是一法界大總相法門體。 所謂心性不生不滅，一切諸法唯依妄念而有差別； 若離心念，則無一切境界之相。 是故一切法，從本已來離言說相、離名字相、離心緣相，畢竟平等，無有變異，不可破壞，唯是一心，故名真如。 以一切言說假名無實，但隨妄念不可得故。 言真如者，亦無有相，謂言說之極，因言遣言： 此真如體無有可遣，以一切法悉皆真故； 亦無可立，以一切法皆同如故。 當知一切法不可說、不可念，故名為真如。 問曰：若如是義者，諸眾生等云何隨順而能得入？ 答曰：若知一切法雖說無有能說可說，雖念亦無能念可念，是名隨順； 若離於念，名為得入。</p>		
			壬二、寄門辨證真如相	<p>複次、此真如者，依言說分別，有二種義。 云何為二？一者、如實空，以能究竟顯實故。 二者、如實不空，以有自體具足無漏性功德故。 所言空者：從本已來一切染法不相應故； 謂離一切法差別之相，以無虛妄心念故。 當知真如自性，非有相，非無相，非非有相，非非無相，非有無俱相； 非一相，非異相，非非一相，非非異相，非一異俱相。 乃至總說：依一切眾生，以有妄心念念分別，皆不相應，故說為空； 若離妄心，實無可空故。 所言不空者：已顯法體空無妄故，即是真心常恆不變，淨法滿足，則名不空；亦無有相可取，以離念境界唯證相應故。</p>		
		辛二、心生滅門顯大乘以體相用分二	壬一、顯疏依真如門轉成生滅門分二	寅一、依如來藏有藏識		<p>心生滅者：依如來藏故有生滅心。 所謂不生不滅與生滅和合，非一非異，名為阿黎耶識。</p>
				卯一、總標		<p>此識、有二種義，能攝一切法，生一切法。云何為二？ 一者、覺義，二者、不覺義。</p>
				寅二、依藏識有覺不覺分三	卯二、別釋分二	<p>所言覺義者：謂心體離念。 離念相者，等虛空界，無所不遍，法界一相，即是如來平等法身。依此法身，說名本覺。 何以故？ 本覺義者，對始覺義說，以始覺者即同本覺。 始覺義者，依本覺故而有不覺，依不覺故說有始覺。 又以覺心源故，名究竟覺； 不覺心源故，非究竟覺。 此義云何？如凡夫人覺知前念起惡故，能止後念令其不起； 雖複名覺，即是不覺故。 如二乘觀智，初發意菩薩等，覺於念異，念無異相； 以舍粗分別執著相故，名相似覺。 如法身菩薩等，覺於念住，念無住相； 以離分別粗念相故，名隨分覺。</p>

表 1-2: (7 表) 戊一、解釋大乘心性分二

戊一、解釋大乘心性分二	壬一、顯疏依真如門轉成生滅門分二	癸一、示具分依他起性分二	子一、解釋心生滅因緣相分三	丑一、解釋心生滅義分二	寅二、依藏識有覺不覺分三	卯二、別釋分二	辰一、釋覺義分三	巳一、約對覺離念釋	如菩薩地盡，滿足方便，一念相應覺心初起，心無初相；以遠離微細念故，得見心性，心即常住，名究竟覺。是故修多羅說：若有眾生能觀無念者，則為向佛智故。又心起者，無有初相可知而言知初相者，即謂無念。是故一切眾生不名為覺，以從本來唵念相續未曾離念，故說無始無明。 若得無念者，則知心相生、住、異、滅；以無念等故，而實無有始覺之異。 以四相俱時而有，皆無自立，本來平等，同一覺故。
								巳二、約隨染生淨說	複次、本覺隨染分別，生二種相，與彼本覺不相舍離。云何為二？一者、智淨相，二者，不思議業相。智淨相者：謂依法力熏習，如實修行、滿足方便故，破和合識相，滅相續心相，顯現法身智淳淨故。 此義云何？ 以一切心識之相皆是無明，無明之相不離覺性，非可壞、非不可壞。如大海水因風波動，水相、風相不相舍離，而水非動性；若風止滅，動相則滅，溼性不壞故。 如是眾生自性清淨心，因無明風動，心與無明俱無形相不相舍離，而心非動性； 若無明滅，相續則滅，智性不壞故。 不思議業相者：以依智淨相能作一切勝妙境界，所謂無量功德之相，常無斷絕，隨眾生根，自然相應種種而現得利益故。
								巳三、約覺體相用釋	複次、覺體相者：有四種大義，與虛空等，猶如淨鏡。云何為四？ 一者、如實空鏡：遠離一切心境界相，無法可現，非覺照義故。 二者、因熏習鏡：謂如實不空，一切世間境界悉於中現，不出不入、不失不壞，常住一心，以一切法即真實性故； 又一切染法所不能染，智體不動，具足無漏燠眾生故。 三者、法出離鏡： 謂不空法，出煩惱礙、智礙，離和合相，淳淨明故。 四者、緣燠者鏡： 謂依法出離故，遍照眾生之心，令修善根，隨念示現故。
								巳一、約互依無性釋	所言不覺義者：謂不如實知真如法一故，不覺心起而有其念；念無自相，不離本覺。猶如迷人，依方故迷，若離於方，則無有迷。眾生亦爾，依覺故迷，若離覺性，則無不覺。 以有不覺妄想心故，能知名義，為說真覺； 若離不覺之心，則無真覺自相可說。
								巳二、約緣起生相釋	複次、依不覺故生三種相，與彼不覺相應不離。云何為三？ 一者、無明業相：以依不覺故心動，說名為業；覺則不動，動則有苦，果不離因故。 二者、能見相：以依動故能見，不動則無見。 三者境界相：以依能見故境界妄現，離見則無境界。 以有境界緣故，復生六種相。 云何為六？ 一者、智相：依於境界，心起分別，愛與不愛故。 二者、相續相：依於智故生其苦樂，覺心起念，相應不斷故。 三者、執取相：依於相續，緣念境界，住持苦樂，心起著故。 四者、計名字相：依於妄執，分別假名言相故。 五者、起業相：依於名字，尋名取著，造種種業故。 六者、業系苦相：以依業受果不自在故。
								巳三、約染法不覺釋	當知無明能生一切染法，以一切染法皆是不覺相故。

表 1-3: (7 表) 戊一、解釋大乘心性分二

戊一、解釋大乘心性分二 己一、顯示正義分二 庚二、依一心二門顯分二 辛二、心生滅門顯大乘自體相用分二	壬一、顯疏依真如門轉成生滅門分二 癸一、示具分依他起性分二 子一、解釋心生滅因緣相分三	丑一、釋生義分二 寅二、解釋心生滅因緣分二	寅二、藏有不覺分三	卯三、俱融	複次、覺與不覺有二種相。云何為二？一者、同相，二者、異相。 言同相者：譬如種種瓦器皆同微塵性相； 如是無漏無明種種業幻皆同真如性相。 是故修多羅中依於此真如義，故說：一切眾生本來常住，入於涅槃。 菩提之法，非可修相，非可作相，畢竟無得，亦無色相可見。 而有見色相者，唯是隨染業幻所作，非是智色不空之性，以智相無可見故。 言異相者：如種種幻器，各各不同； 如是無漏無明，隨染幻差別，性染幻差別故。				
					寅一、總標		複次、生滅因緣者：所謂眾生依心、意、意識轉故。		
					卯一、明藏心轉識互為生滅親因緣	此義云何？以依阿黎耶識說有無明不覺、而起能見、能現、能取境界，起念相續，故說為意。 此意復有五種名：云何為五？ 一者、名為業識，謂無明力不覺心動故。 二者、名為轉識，依於動心能見相故。 三者、名為現識，所謂能現一切境界，猶如明鏡現於色像； 現識亦爾，隨其五塵對至即現，無有前後，以一切時任運而起，常在前故。 四者、名為智識，謂分別染淨法故。 五者、名為相續識，以念相應不斷故。 住持過去無量世等善惡之業令不失故； 復能成熟現在、未來苦樂等報無差違故； 能令現在已經之事忽然而念，未來之事不覺妄慮。 是故三界虛偽，唯心所作，離心則無六塵境界。此義云何？ 以一切法皆從心起妄念而生，一切分別即分別自心，心不見心，無相可得。 當知世間一切境界，皆依眾生無明妄心而得住持。 是故一切法如鏡中像，無體可得，唯心虛妄； 以心生則種種法生，心滅則種種法滅故。 複次、言意識者：即此相續識。 依諸凡夫取著轉深，計我我所，種種妄執，隨事攀緣，分別六塵，名為意識，亦名分離識，又復說名分別事識。此識依見、愛煩惱增長義故。			
						辰一、無明起之深玄	依無明熏習所起識者，非凡夫能知，亦非二乘智慧所覺。 謂依菩薩從初正信，發心觀察，若證法身得少分知，乃至菩薩究竟地不能盡知，唯佛窮了。 何以故？是心從本已來自性清淨而有無明，為無明所染有其染心，雖有染心而常恆不變，是故此義唯佛能知。 所謂心性常無念故，名為不變； 以不達一法界故，心不相應忽然念起，名為無明。		
							辰二、顯染心由無明而差別分三	巳一、列釋治斷差別	染心者、有六種。云何為六？ 一者、執相應染，依二乘解脫及信相應地遠離故。 二者、不斷相應染，依信相應地修學方便，漸漸能捨，得淨心地究竟離故。 三者、分別智相應染，依具戒地漸離，乃至無相方便地究竟離故。 四者、現色不相應染，依色自在地能離故。 五者、能見心不相應染，依心自在地能離故。 六者、根本業不相應染，依菩薩盡地得入如來地能離故。
						巳二、兼釋無明治斷差別			不了一法界義者，從信相應地觀察學斷，入淨心地隨分得離，乃至如來地能究竟離故。
					巳三、隨釋相應不相應義			言相應義者：謂心念法異，依染淨差別而知相、緣相同故。 不相應義者：謂即心不覺，常無別異，不同知相、緣相故。	

表 1-4: (7 表) 戊一、解釋大乘心性分二

戊一、解釋大乘心性分二 己一、顯示正義分二 庚二、依一心二門顯分二 辛二、心生滅門顯大乘自體相用分二	壬一、顯疏依真如門轉成生滅門分二 癸一、示具分依他起性分二	子一、解釋心生滅因緣相分三	丑二、解釋心生滅緣分二	寅二、別釋分二	卯二、示無明互染為生滅增上緣分二	辰三、顯染心與無明所障礙	又染心義者，名為煩惱礙，能障真如根本智故。無明義者，名為智礙，能障世間自然業智故。此義云何？ 以依染心能見、能現、妄取境界，違平等性故。以一切法常靜無有起相，無明不覺妄與法違，故不能得隨順世間一切境界種種知故。		
			丑三、釋心生滅緣相分二	寅一、正明生滅粗細因緣相		複次、分別生滅相者有二種。云何為二？ 一者、粗，與心相應故。二者、細，與心不相應故。 又、粗中之粗，凡夫境界；粗中之細及細中之粗，菩薩境界；細中之細，是佛境界。 此二種生滅，依於無明熏習而有，所謂依因、依緣：依因者、不覺義故；依緣者、妄作境界義故。 若因滅則緣滅：因滅故不相應心滅，緣滅故相應心滅。			
				寅二、寄辨心相體減不減義		問曰：若心滅者，云何相續？若相續者，云何說究竟滅？ 答曰：所言滅者，唯心相滅，非心體滅。 如風依水而有動相，若水滅則風相斷絕，無所依止；以水不滅，風相相續。唯風滅故，動相隨滅，非是水滅。無明亦爾，依心體而動，若心體滅則眾生斷絕，無所依止；以體不滅，心得相續。唯痴滅故，心相隨滅，非心智滅。			
		子二、顯示心染淨熏習義分三	丑一、總標染淨熏習法相		複次、有四種法熏習義故，染法、淨法起不斷絕。云何為四？ 一者、淨法，名為真如。二者、一切染因，名為無明。三者、妄心，名為業識。四者、妄境界，所謂六塵。				
			丑二、隨解染淨熏習名義		熏習義者：如世間衣服，實無於香，若人以香而熏習故，則有香氣。此亦如是，真如淨法實無於染，但以無明而熏習故，則有染相。無明染法實無淨業，但以真如而熏習故，則有淨用。				
			丑三、廣釋染淨熏習法義分二	寅一、明染淨互熏無斷分二	卯一、明熏習起染法不斷	云何熏習起染法不斷？所謂以依真如法故有於無明； 以有無明染法因故即熏習真如，以熏習故則有妄心； 以有妄心即熏習無明，不了真如法故，不覺念起現妄境界； 以有妄境界染法緣故，即熏習妄心，令其念著造種種業，受於一切身心等苦。 此妄境界熏習義，則有二種。云何為二？ 一者、增長念熏習，二者、增長取熏習。 妄心熏習義有二種。云何為二？ 一者、業識根本熏習：能受阿羅漢、辟支佛、一切菩薩生滅苦故。 二者、增長分別事識熏習：能受凡夫業系苦故。 無明熏習義有二種。云何為二？ 一者、根本熏習：以能成就業識故。 二者、所起見愛熏習：以能成就分別事識義故。			
						卯二、明熏習起淨法不斷分二	辰一、淨熏習通相	云何熏習起淨法不斷？ 所謂以有真如法故能熏習無明，以熏習因緣力故，則令妄心厭生死苦，樂求涅槃； 以此妄心有厭求因緣故，即熏習真如，自信己性，知心妄動，無前境界，修遠離法； 以如實知無前境界故，種種方便，起隨順行，不取不念，乃至久遠熏習力故，無明則滅。 以無明滅故心無有起，以無起故境界隨滅； 以因緣俱滅故，心相皆盡，名得涅槃，成自然業。	
								辰二、淨熏習別相分二	巳一、妄心熏習

表 1-5: (7 表) 戊一、解釋大乘心性分二

戊一、解釋大乘心性分二 己一、顯示正義分二 庚二、依一心二門顯分二 辛二、心生滅門顯大乘自體相用分二	壬一、顯疏依真如門轉成生滅門分二	癸一、示具分依他起性分二 子二、顯示心染淨熏習義分三 丑三、廣釋染淨熏習法義分二	寅一、明染淨互熏無斷分二 卯二、明熏習起淨法不斷分二 辰二、淨熏習別相分二 巳二、真如熏習分二	午一、標名數		真如熏習義有二種，云何為二？ 一者、自體相熏習，二者、用熏習。		
				申一、體熏習	未一、顯體用熏習相分二 午二、釋名義分二	自體相熏習者：從無始世來具無漏法，備有不思議業，作境界之性。依此二義，恆常熏習。 以有力故，能令眾生厭生死苦，樂求涅槃，自信己身有真如法，發心修行。 問曰：若如是義者，一切眾生悉有真如，等皆熏習，云何有信無信、無量前後差別？ 皆應一時自知有真如法，勤修方便，等入涅槃？ 答曰：真如本一，而有無量無邊無明，從本已來自性、差別厚薄不同故。 過恆沙等上煩惱依無明起差別，我見、愛染煩惱依無明起差別；如是一切煩惱，依於無明所起前後無量差別，唯如來能知故。 又諸佛法有因、有緣，因緣具足乃得成辦。 如木中火性是火正因，若無人知，不假方便，能自燒木，無有是處。 眾生亦爾，雖有正因熏習之力，若不遇諸佛、菩薩善知識等以之為緣，能自斷煩惱入涅槃者，則無是處。 若雖有外緣之力，而內淨法未有熏習力者，亦不能究竟厭生死苦，樂求涅槃。 若因緣具足者，所謂自有熏習之力，又為諸佛、菩薩等慈悲願護，故能起厭苦之心，信有涅槃，修習善根。 以修善根成熟故，則值諸佛、菩薩示教利喜，乃能進趣向涅槃道。		
						申二、用熏習	用熏習者：即是眾生外緣之力。 如是外緣，有無量義，略說二種。云何為二？ 一者、差別緣，二者、平等緣。 差別緣者：此人依於諸佛、菩薩等，從初發意始求道時乃至得佛，於中若見、若念，或為眷屬父母諸親，或為給使，或為知友，或為怨家，或起四攝，乃至一切所作無量行緣； 以起大悲熏習之力，能令眾生增長善根，若見若聞得利益故。 此緣有二種，云何為二？ 一者、近緣，速得度故。 二者、遠緣，久遠得度故。 是近、遠二緣，分別復有二種。云何為二？ 一者、增長行緣，二者、受道緣。 平等緣者：一切諸佛、菩薩皆願度脫一切眾生，自然熏習恆常不捨，以同體智力故，隨應見聞而現作業； 所謂眾生依於三昧，乃得平等見諸佛故。	
							未二、體用熏習位	此體用熏習，分別復有二種。云何為二？ 一者、未相應： 謂凡夫、二乘、初發意菩薩等，以意、意識熏習，依信力故而能修行，未得無分別心與體相應故，未得自在業修行與用相應故。 二者、已相應：謂法身菩薩得無分別心與諸佛知用相應，唯依法力自然修行，熏習真如、滅無明故。
				寅二、明淨滿染法有斷		復次、染法從無始已來熏習不斷，乃至得佛後則有斷。 淨法熏習則無有斷，盡於未來。此義云何？ 以真如法常熏習故妄心則滅，法身顯現起用熏習，故無有斷。		
				癸二、顯成實淨依圓性分二	子一、合顯真如自體相	復次、真如自體相者，一切凡夫、聲聞、緣覺、菩薩、諸佛，無有增減，非前際生，非後際滅，畢竟常恆，從本已來性自滿足一切功德。 所謂自體有大智慧光明義故，遍照法界義故，真實識知義故，自性清淨心義故，常樂我淨義故，清涼不變自在義故。		

表 1-6: (7 表) 戊一、解釋大乘心性分二

戊一、解釋大乘心性分二 己一、顯示正義分二 庚二、依一心二門顯分二 辛二、心生滅門顯大乘自體相用分二	壬一、顯疏依真如門轉成生滅門分二 癸二、顯成實淨依圓性分二	子一、顯真如自體相	具足如是過於恆沙不離不斷不異不思議佛法，乃至滿足無有所少義故，名為如來藏，亦名如來法身。 問曰：上說真如，其體平等離一切相，云何復說體有如是種種功德？ 答曰：雖實有此諸功德義而無差別之相，等同一味，唯一真如。 此義云何？以無分別，離分別相，是故無二。 復以何義得說差別？ 以依業識生滅相示。此云何示？ 以一切法本來唯心，實無於念而有妄心，不覺起念見諸境界，故說無明。 心性不起，即是大智慧光明義故。 若心起見則有不見之相，心性離見即是遍照法界義故。 若心有動非真識知，無有自性，非常非樂非我非淨，熱惱衰變則不自在，乃至具有過恆沙等妄染之義； 對此義故，心性無動，則有過恆沙等諸淨功德相義示現。 若心有起，更見前法可念者，則有所少； 如是淨法無量功德，即是一心，更無所念，是故滿足，名為法身如來之藏。
			複次、真如用者： 所謂諸佛如來，本在因地發大慈悲，修諸波羅密攝化眾生，立大誓願盡欲度脫等眾生界，亦不限劫數盡於未來； 以取一切眾生如己身故，而亦不取眾生相。 此以何義？ 謂如實知一切眾生及與己身真如平等無別異故。 以有如是方便智除滅無明，見本法身，自然而有不思議業種種之用，即與真如等遍一切處。 又亦無有用相可得，何以故？ 謂諸佛如來唯是法身智相之身，第一義諦，無有世諦境界，離於施作。但隨眾生見聞得益，故說為用。
		子二、別顯真如用分二	此用有二種。云何為二？ 一者、依分別事識：凡夫、二乘心所見者，名為應身。 以不知轉識現故，見從外來，取色分齊，不能盡知故。 二者、依於業識：謂諸菩薩從初發意乃至菩薩究竟地心所見者，名為報身。 身有無量色，色有無量相，相有無量好，所住依果亦無有量，種種莊嚴隨所示現，即無有邊、不可窮盡，離分齊相，隨其所應，常能住持不毀不失。 如是功德，皆因諸波羅密等無漏行熏及不思議熏之所成就。 具足無量樂相故，說為報身。又為凡夫所見者，是其粗色； 隨於六道各見不同，種種異類，非受樂相故，說為應身。 複次，初發意菩薩等所見者，以深信真如法故，少分而見，知彼色相莊嚴等事，無來無去離於分齊，唯依心現，不離真如。 然此菩薩猶自分別，以未入法身位故。 若得淨心，所見微妙，其用轉勝。乃至菩薩地盡，見之究竟。 若離業識，則無見相，以諸佛法身無有彼此色相迭相見故。 問曰：若諸佛法身離於色相者，云何能現色相？ 答曰：即此法身是色體故，能現於色。 所謂從本已來色心不二，以色性即智故，色體無形，說名智身； 以智性即色故，說名法身。遍一切處所現之色，無有分齊。 隨心能示十方世界，無量菩薩、無量報身、無量莊嚴各各差別，皆無分齊而不相妨。此非心識分別能知，以真如自在用義故。
		壬二、示直從生滅門即入真如門	複次、顯示從生滅門即入真如門： 所謂推求五陰——色之與心——六塵境界，畢竟無念。 以心無形相，十方求之終不可得。 如人迷故，謂東為西，方實不轉。 眾生亦爾，無明迷故，謂心為念；心實不動。 若能觀察知心無念，即得隨順入真如門故。

表 1-7: (7 表) 戊一、解釋大乘心性分二

戊一、解釋大乘心性分二 己二、對治邪執分三	庚一、標名列數		對治邪執者：一切邪執皆依我見，若離於我，則無邪執。 是我見有二種，云何為二？一者、人我見，二者、法我見。	
	庚二、隨執對治分二	辛一、對治人我見所起邪執	人我見者：依諸凡夫說有五種。云何為五？ 一者、聞修多羅說如來法身畢竟寂寞猶如虛空； 以不知為破著故，即謂虛空是如來性。 云何對治？明虛空相是其妄法，體無不實，以對色故有，是可見相，令心生滅。 以一切色法本來是心，實無外色；若無外色者，則無虛空之相。 所謂一切境界唯心妄起故有；若心離於妄動，則一切境界滅，唯一真心，無所不遍。此謂如來廣大性智究竟之義，非如虛空相故。 二者、聞修多羅說世間諸法畢竟體空，乃至涅槃真如之法亦畢竟空，從本已來自空離一切相；以不知為破著故，即謂真如涅槃之性唯是其空。 云何對治？明真如法身自體不空，具足無量性功德故。 三者、聞修多羅說如來之藏無有增減，體備一切功德之法； 以不解故，即謂如來之藏有色心法自相差別。 云何對治？以唯依真如義說故，因生滅染義示現說差別故。 四者、聞修多羅說一切世間生死染法皆依如來藏而有，一切諸法不離真如； 以不解故，謂如來藏自體具有一切生死等法。 云何對治？以如來藏從本已來唯有過恆沙等諸淨功德，不離不斷不異真如義故； 以過恆沙等煩惱染法唯是妄有，性自本無，從無始世來未曾與如來藏相應故。 若如來藏體有妄法而使證會永息妄者，則無是處故。 五者、聞修多羅說依如來藏故有生死，依如來藏故得涅槃； 以不解故，謂眾生有始，以見始故，復謂如來所得涅槃有其終盡，還作眾生。 云何對治？以如來藏無前際故，無明之相亦無有始，若說三界外更有眾生始起者，即是外道經說。 又如來藏無有後際，諸佛所得涅槃與之相應，則無後際故。	
			辛二、對治法我見所起邪執	法我見者：依二乘鈍根故，如來但為說人無我； 以說不究竟，見有五陰生滅之法，怖畏生死，妄取涅槃。 云何對治？以五陰法自性不生則無有滅，本來涅槃故。
			庚三、究竟離妄	複次、究竟離妄執者，當知染法淨法皆悉相待，無有自相可說。 是故一切法從本已來，非色非心，非智非識，非有非無，畢竟不可說相。 而有言說者，當知如來善巧方便，假以言說引導眾生。 其旨趣者，皆為離念歸於真如； 以念一切法令心生滅，不入實智故。

表 2-1: (3 表) 戊二、解釋大乘因果分二

科判			論文
戊二、解釋大乘因果分二	己一、標果建因		分別發趣道相者： 謂一切諸佛所證之道，一切菩薩發心修行趣向義故。
	庚一、標列三種發心		略說發心有三種，云何為三？ 一者、信成就發心，二者、解行發心，三者、證發心。
	己二、從因顯果分二	庚二、釋成三種發心分三	<p>信成就發心者：依何等人，修何等行，得信成就堪能發心？</p> <p>所謂依不定聚眾生，有熏習善根力故，信業果報，能起十善，厭生死若，欲求無上菩提，得值諸佛，親承供養，修行信心經一萬劫，信心成就故。</p> <p>諸佛菩薩教令發心，或以大悲故能自發心，或因正法欲滅以護法因緣故能自發心，如是信心成就得發心者，入正定聚畢竟不退，名住如來種中正因相應。</p> <p>若有眾生善根微少，久遠已來煩惱深厚，雖值於佛、亦得供養，然起人天種子，或起二乘種子，設有求大乘者，根則不定，若進若退。</p> <p>或有供養諸佛未經一萬劫，於中遇緣亦有發心：</p> <p>所謂見佛色相而發其心，或因供養眾僧而發其心，或因二乘之人教令發心，或學他發心。如是等發心，悉皆不定，遇惡因緣或便退失墮二乘地。</p>
		辛一、信成就發心分三 壬一、明發心因緣	

表 2-2：（3 表） 戊二、解釋大乘因果分二

戊二、解釋大乘因果分二	辛一、信成就發心分三	壬二、明發心行相	<p>複次、信成就發心者，發何等心？略說有三種。云何為三？</p> <p>一者、直心，正念真如法故。二者、深心，樂集一切諸善行故。</p> <p>三者、大悲心，欲拔一切眾生苦故。</p> <p>問曰：上說法界一相，佛體無二，何故不唯念真如，復假求學諸善之行？</p> <p>答曰：譬如大摩尼寶，體性明淨而有礦穢之垢；</p> <p>若人雖念實性，不以方便種種磨治，終無得淨。</p> <p>如是眾生真如之法，體性空淨而有無量煩惱垢染；</p> <p>若人雖念真如，不以方便種種熏修，亦無得淨。</p> <p>以垢無量，遍一切法，故修一切善行以為對治。</p> <p>若人修行一切善法，自然歸順真如法故。</p> <p>略說方便有四種，云何為四？</p> <p>一者、行根本方便：謂觀一切法自性無生，離於妄見，不住生死；</p> <p>觀一切法因緣和合，業果不失，起於大悲，修諸福德攝化眾生，不住涅槃；</p> <p>以隨順法性無住故。</p> <p>二者、能止方便：謂慚愧悔過，能止一切惡法不令增長，以隨順法性離諸過故。</p> <p>三者、發起善根增長方便：謂勤供養、禮拜三寶，讚歎、隨喜、勸請諸佛，以愛敬三寶淳厚心故，信得增長，乃能志求無上之道；</p> <p>又因佛法僧力所護故，能消業障，善根不退：以隨順法性離痴障故。</p> <p>四者、大願平等方便；所謂發願盡於未來，化度一切眾生使無有餘，皆令究竟無餘涅槃：以隨順法性無斷絕故；</p> <p>法性廣大，遍一切眾生平等無二，不念彼此究竟寂滅故。</p>
		壬三、明發心成就	<p>菩薩如是發心故，則得少分見於法身。</p> <p>以見法身故，隨其願力，能現八種相利益眾生。</p> <p>所謂從兜率天退、入胎、住胎、出胎、出家、成道、轉法輪、入於涅槃。</p> <p>然是菩薩未名法身，以其過去無量世來有漏之業未能決斷，隨其所生與微苦相應；亦非業系，以有大願自在力故。</p> <p>如修多羅中或說有退墮惡趣者，非其實退，但為初學菩薩未入正位而懈怠者恐怖，令彼勇猛故。</p> <p>又是菩薩一發心後，遠離怯弱，畢竟不畏墮二乘地。</p> <p>若聞無量無邊阿僧祇劫勤苦難行乃得涅槃，亦不怯弱，以信知一切法從本已來自涅槃故。</p>
	辛二、解行發心		<p>解行發心者，當知轉勝。</p> <p>以是菩薩從初正信已來，於第一阿僧祇劫將欲滿故。</p> <p>於真如法中深解現前，所修離相。</p> <p>以知法性體無慳貪故，隨順修行檀波羅密。</p> <p>以知法性無染，離五欲過故，隨順修行尸波羅密。</p> <p>以知法性無苦，離瞋惱故，隨順修行羼提波羅密。</p> <p>以知法性無身心相，離懈怠故，隨順修行毗梨耶波羅密。</p> <p>以知法性常定，體無亂故，隨順修行禪波羅密。</p> <p>以知法性體明，離無明故，隨順修行般若波羅密。</p>
己二、從因顯果分二	辛三、證發心分二	壬一、通明諸地行相	<p>證發心者，從淨心地乃至菩薩究竟地。證何境界？所謂真如。</p> <p>以依轉識說為境界，而實證者無有境界，唯真如智名為法身。</p> <p>是菩薩於一念頃能至十方無餘世界，供養諸佛，請轉法輪，唯為開導利益眾生，不依文字。</p> <p>或示超地速成正覺，以為怯弱眾生故。</p> <p>或說我於無量阿僧祇劫當成佛道，以為懈怠眾生故。</p> <p>能示如是無數方便，不可思議，而實菩薩種性根等，發心則等，所證亦等；無有超過之法，以一切菩薩皆經三阿僧祇劫故。</p> <p>但隨眾生世界不同，所見所聞根欲性異，故示所行亦有差別。</p> <p>又是菩薩發心相者，有三種心微細之相。云何為三？</p> <p>一者、真心，無分別故。二者、方便心，自然遍行利益眾生故。</p> <p>三者、業識心，微細起滅故。</p>
庚二、釋成三種發心分三			

表 2-3: (3 表) 戊二、解釋大乘因果分二

戊二、解釋大乘因果分二	己二、從因顯果分二	庚二、釋成三種發心分三	辛三、證發心分二	壬二、別明十地功德	<p>又是菩薩功德成滿，於色究竟處示一切世間最高大身，謂以一念相應慧，無明頓盡，名一切種智，自然而有不思議業，能現十方利益眾生。</p> <p>問曰：虛空無邊故世界無邊，世界無邊故眾生無邊，眾生無邊故心行差別亦復無邊；如是境界，不可分齊，難知難解。</p> <p>若無明斷，無有心想，云何能了名一切種智？</p> <p>答曰：一切境界，本來一心，離於想念。以眾生妄見境界故，心有分齊，以妄起想念不稱法性故，不能決了。</p> <p>諸佛如來離於見想，無所不遍，心真實故，即是諸法之性；</p> <p>自體顯照一切妄法，有大智用，無量方便，隨諸眾生性所應得解，皆能開示種種法義，是故得名一切種智。</p> <p>又問曰：若諸佛有自然業，能現一切處利益眾生者，一切眾生若見其身、若睹神變、若聞其說、無不得利，云何世間多不能見？</p> <p>答曰：諸佛如來法身平等，遍一切處，無有作意故而說自然；但依眾生心現。</p> <p>眾生心者，猶如於鏡，鏡若有垢色像不現。如是眾生心若有垢，法身不現故。</p>
-------------	-----------	-------------	----------	-----------	---

表 3-1: (3 表) 丙四、修行信心分分三

科判				論文	
丙四、修行信心分分三	丁一、標人立法			已說解釋分，次說修行信心分。 是中依未入正定聚眾生，故說修行信心。	
		戊一、寄問總徵			何等信心？云何修行？
		己一、發信心起行		略說信心有四種，云何為四？ 一者、信根本，所謂樂念真如法故。 二者、信佛有無量功德，常念親近供養恭敬，發起善根，願求一切智故。 三者、信法有大利益，常念修行諸波羅密故。 四者、信僧能正修行自利利他故，常樂親近諸菩薩眾求學如實行故。	
		庚一、標列五門		修行有五門，能成此信。云何為五？ 一者、施門，二者、戒門，三者、忍門， 四者、進門，五者、止觀門。	
		戊二、隨問分釋分二	己二、修行成信心分二	庚二、釋成五門分二	辛一、總明前四門
云何修行施門？ 若見一切來求索者，所有財物隨力施與，以自舍慳貪，令彼歡喜。 若見厄難、恐怖、危逼，隨己堪任，施與無畏。 若有眾生來求法者，隨己能解，方便為說； 不應貪求名利恭敬，唯念自利利他迴向菩提故。 云何修行戒門？ 所謂不殺、不盜、不淫、不兩舌、不惡口、不妄言、不綺語，遠離貪嫉、欺詐、諂曲、瞋恚、邪見。 若出家者，為折伏煩惱故。亦應遠離憤鬧，常處寂靜，修習少欲、知足、頭陀等行。 乃至小罪心生怖畏，慚愧改悔； 不得輕於如來所制禁戒，當護譏嫌，不令眾生妄起過咎故。 云何修行忍門？所謂應忍他人之惱，心不懷報； 亦當忍於利、衰、毀、譽、稱、譏、苦、樂等法故。 云何修行進門？所謂於諸善事心不懈退立志堅強，遠離怯弱。 當念過去久遠以來，虛受一切身心大苦，無有利益； 是故應勤修諸功德，自利利他，速離眾苦。 複次、若人雖修行信心，以從先世來多有重罪惡業障故，為邪魔諸鬼之所惱亂，或為世間事務種種牽纏，或為病苦所惱；有如是等眾多障礙。 是故應當勇猛精勤，晝夜六時，禮拜諸佛，誠心懺悔，勸請、隨喜、迴向菩提，常不休廢；得免諸障，善根增長故。					

表 3-2：（3 表） 丙四、修行信心分分三

丙四、修行信心分分三 丁二、從理起行分二 戊二、隨問分釋分二 己二、修行成信心分二 庚二、釋成五門分二 辛二、廣明止觀門分二	壬一、略明		云何修行止觀門？所言止者：謂止一切境界相，隨順奢摩他觀義故。所言觀者：謂分別因緣生滅相，隨順毗鉢舍那觀義故。云何隨順？以此二義漸漸修習，不相舍離，雙現前故。	
	癸一、修次第止觀分二 壬二、廣辨分二	子一、修止分五	丑一、修止人法	若修止者：住於靜處，端坐正意，不依氣息，不依形色，不依於空，不依地、水、火、風，乃至不依見、聞、覺、知，一切諸想隨念皆除，亦遣除想。 以一切法本來無相，念念不生，念念不滅，亦不得隨心外念境界。後以心除心：心若馳散，即當攝來住於正念。 是正念者，當知唯心無外境界；即復此心亦無自相，念念不可得。若從坐起，去來進止有所施作，於一切時常念方便，隨順觀察；久習淳熟，其心得住。以心住故，漸漸猛利，隨順得入真如三昧；深伏煩惱，信心增長，速成不退。
			丑二、揀除劣行	唯除疑惑、不信、誹謗、重罪業障、我慢、懈怠，如是等人所不能入。
			丑三、發生勝德	複次、依是三昧故，則知法界一相。 謂一切諸佛法身與眾生身平等無二，即名一行三昧。 當知真如是三昧根本，若人修行，漸漸能生無量三昧。
		丑四、警辨魔惑	或有眾生無善根力，則為諸魔、外道、鬼神之所惑亂。 若於坐中現形恐怖，或現端正男女等相，當念唯心，境界則滅，終不為惱。或現天像、菩薩像，亦作如來像、相好具足： 或說陀羅尼，或說佈施、持戒、忍辱、精進、禪定、智慧，或說平等空、無相、無願，無怨無親，無因無果，畢竟空寂是真涅槃； 或令人知宿命過去之事，亦知未來之事，得他心智，辯才無礙； 能令眾生貪著世間名利之事；又令使人數瞋、數喜，性無常準； 或多慈愛、多睡、多病，其心懈怠； 或卒起精進後便休廢，生於不信，多疑多慮； 或捨本勝行，更修雜業，若著世事種種牽纏； 亦能使人得諸三昧少分相似，皆是外道所得，非真三昧； 或復令人若一日、若二日、若三日乃至七日住於定中，得自然香美飲食，身心適悅，不飢不渴，使人愛著； 或亦令人食無分齊，乍多乍少，顏色變異。 以是義故，行者常應智慧觀察，勿令此心墮於邪網。 當勤正念，不取不著，則能遠離是諸業障。 應知外道所有三昧，皆不離見、愛、我慢之心，貪著世間名利恭敬故。 真如三昧者，不住見相，不住得相，乃至出定亦無懈怠，所有煩惱漸漸微薄。若諸凡夫，不習此三昧法得入如來種性，無有是處。 以修世間諸禪三昧，多起味著，依於我見，系屬三界，與外道共。 若離善知識所護，則起外道見故。	
			丑五、顯示利益	複次、精勤專心修學此三昧者，現世當得十種利益：云何為十？ 一者、常為十方諸佛菩薩之所護念； 二者、不為諸魔惡鬼所能恐怖； 三者、不為九十五種外道鬼神之所惑亂； 四者、遠離誹謗甚深之法，重罪業障漸漸微薄； 五者、滅一切疑惑，諸惡覺觀； 六者、於如來境界信得增長； 七者、遠離憂悔，於生死中勇猛不怯； 八者、其心柔和，舍於憍慢，不為他人所惱； 九者、雖未得定，於一切時一切境界處，則能減損煩惱，不樂世間； 十者、若得三昧，不為外緣一切音聲之所驚動。

表 3-3: (3 表) 丙四、修行信心分分三

丙四、修行信心分分三	丁二、從理起行分二	戊二、隨問分釋分二	己二、修行成信心分二	庚二、釋成五門分二	辛二、廣明止觀門分二	壬二、廣辨分二	癸一、修次第止觀分二	子二、修觀	<p>複次、若人唯修於止，則心沉沒，或起懈怠不樂眾善，遠離大悲，是故修觀。修習觀者，當觀一切世間有為之法，無得久停，須臾變壞；一切心行念念生滅，以是故苦；</p> <p>應觀過去所念諸法、恍惚如夢，應觀現在所念諸法、猶如電光，應觀未來所念諸法、猶如於雲忽爾而起；</p> <p>應觀世間一切有身，悉皆不淨，種種穢汙，無一可樂，如是當念：一切眾生從無始世來，皆因無明所熏習故，令心生滅，已受一切身心大苦，現在即有無量逼迫；未來所苦亦無分齊，難捨難離而不覺知。眾生如是，甚為可愍！作此思維，即應勇猛立大誓願，願令我心離分別故，遍於十方修行一切諸善功德；</p> <p>盡其未來，以無量方便救拔一切苦惱眾生，令得涅槃第一義樂。以起如是願故，於一切時一切處所有眾善，隨己堪能不捨修學，心無懈怠。</p> <p>唯除坐時，專念於止；若餘一切，悉當觀察應作不應作。</p>
							癸二、修平等止觀		<p>若行、若住、若臥、若起，皆應止觀俱行。</p> <p>所謂雖念諸法自性不生，而復即念因緣和合，善惡之業，苦樂等報不失不壞；雖念因緣，善惡、業報，而亦即念性不可得。</p> <p>若修止者，對治凡夫住著世間，能捨二乘怯弱之見；</p> <p>若修觀者，對治二乘不起大悲狹劣心過，遠離凡夫不修善根。以是義故，是止觀二門，共相助成，不相舍離。</p> <p>若止觀不具，則無能入菩提之道。</p>
	丁三、方便攝護	<p>複次、眾生初學是法，欲求正信，其心怯弱，以住於此娑婆世界，自畏不能常值諸佛，親承供養，懼謂信心難可成就意欲退者；</p> <p>當知如來有勝方便，攝護信心。</p> <p>謂以專意念佛因緣，隨願得生他方佛土，常見於佛，永離惡道。</p> <p>如修多羅說：若人專念西方極樂世界阿彌陀佛，所修善根、迴向願求生彼世界，即得往生，常見佛故終無有退。</p> <p>若觀彼佛真如法身，常勤修習，畢竟得生，住正定故。</p>							

表 4: (1 表) 丙五、勸修利益分

科判	論文
丙五、勸修利益分	<p>已說修行信心分。</p> <p>次說勸修利益分：</p> <p>如是摩訶衍諸佛秘藏，我已總說。</p> <p>若有眾生欲於如來甚深境界得生正信，遠離誹謗，入大乘道；當持此論思量修習，究竟得至無上之道。</p> <p>若人聞是法已，不生怯弱，當知此人定紹佛種，必為諸佛之所授記。</p> <p>假使有人能化三千大千世界滿中眾生、令行十善，不如有人於一食頃、正思此法，過前功德不可為喻。</p> <p>複次、若人受持此論，觀察修行，若一日一夜所有功德，無量無邊不可得說。</p> <p>假令十方一切諸佛，各於無量無邊阿僧祇劫嘆其功德，亦不能盡。何以故？謂法性功德無有盡故；此人功德，亦復如是無有邊際。</p> <p>其有眾生於此論中毀謗不信，所獲罪報，經無量劫受大苦惱。</p> <p>是故眾生但應信仰，不應誹謗，以深自害，亦害他人，斷絕一切三寶之種。以一切如來皆依此法得涅槃故，一切菩薩因之修行得入佛智故。</p> <p>當知過去菩薩，已依此法得成淨信；</p> <p>現在菩薩，今依此法得成淨信；</p> <p>未來菩薩，當依此法得成淨信。</p> <p>是故眾生，應勤修學。</p>